



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-49-03391/18
Sarajevo, Septembar 25.2018. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
S A R A J E V O
(Na pažnju, predsjedateljice, prof.Ane Babić)

PREDMET: Odgovor na zastupničku inicijativu broj: 01-05-30926-6/18 od 07.09.2018. godine, podnesenu od strane zastupnice Sabine Ćudić, dostavlja se;

Zastupnica, Sabina Ćudić, na 44. Redovnoj sjednici Skupštine Kantona Sarajevo, održanoj dana 06.09.2018. godine, u okviru tačke Dnevnog reda " Poslanička pitanja, inicijative i odgovori" a u skladu sa Poslovnikom Skupštine Kantona Sarajevo pokrenula je zastupničku inicijativu , koja glasi:

"Da Kantonalna uprava za inspekcijske poslove započne sa vršenjem inspekcijskih nadzora iz oblasti radnih odnosa i zaštite na radu za vrijeme državnih i vjerskih praznika. "

U vezi s pokrenutom zastupničkom inicijativom, dostavljamo slijedeći

O D G O V O R :

Kantonalna uprava za inspekcijske poslove, odnosno Inspektorat rada, zaštite na radu i socijalne zaštite u vrijeme državnih i vjerskih praznika, u dane koji su proglašeni neradnim, redovno organizuje inspekcijske nadzore iz svoje nadležnosti.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Pored inspekcije rada i zaštite na radu, u skladu sa unaprijed sačinjenim planom rada, a vrlo često i na zahtjev nadležnih institucija organizuje se rad i drugih inspekcija tako da se nadzori najčešće vrše timski.

U dane praznika smanjen je broj inspektora rada na terenu iz razloga što je i broj poslodavaca odnosno subjekata nadzora koji rade u dane praznika znatno manji.

Dosadašnja iskustva sa terena su pokazala da se i sa smanjenim brojem inspektora rada koji rade u neradne dane adekvatno može odgovoriti postavljenim zahtjevima.

Međutim, želimo istaći da Zakon o radu ("Sl. novine Federacije Bosne i Hercegovine" broj 26/16) ne zabranjuje rad u vrijeme praznika, već je članom 76. istog zakona propisano da radnik ima pravo na povećanu plaću za rad, između ostalog, na dan praznika ili nekog drugog dana za koji je zakonom određeno da se ne radi, u skladu sa kolektivnim ugovorom, pravilnikom o radu i ugovorom o radu.

Nepoštivanje navedene zakonske odredbe predviđeno je kao prekršaj za koji je propisana novčana kazna u slučaju da poslodavac radniku uskrati pravo na povećanu plaću u slučajevima utvrđenim Zakonom o radu.

Također bi istakli da su poslodavci u skladu sa Pravilnikom o sadržaju i načinu vođenja evidencije o radnicima i drugim licima angažovanim na radu ("Sl.novine Federacije Bosne i Hercegovine" broj 92/16) obavezni voditi, između ostalog, i evidenciju o radnom vremenu radnika koja podrazumijeva i rad radnika u neradne dane. U slučaju da poslodavac ne vodi evidencije o radnicima ili ih vodi suprotno propisanom načinu i sadržaju ili inspektoru na njegov zahtjev ne predloži podatke iz evidencije, Zakonom o radu je propisana novčana kazna.

Ovaj Inspektorat, u skladu sa raspoloživim brojem inspektora kao i zahtjevima stranaka, tokom cijele godine provodi pojačane inspekcijske nadzore u poslijepodnevnim satima, u dane vikenda, kao i u dane praznika, a sve u cilju kontrole radno pravnog statusa radnika i ostvarivanja prava iz radnog odnosa.

Pojačani inspekcijski nadzori su planirani i u narednom periodu prije svega iz razloga što se takav rad inspektora pokazao kao opravдан, naročito u toku turističke sezone.

U skladu sa naprijed navedenim ističemo da je dostavljana Inicijativa razmotrena te da će se po istoj i u buduće postupati u skladu sa propisanim ovlaštenjima i raspoloživim kapacitetom.

Dostavlja se:

1. Predsjedateljici Skupštine KS
2. Sekretaru Skupštine KS
3. Sekretaru Vlade KS
4. a/a



DIREKTOR

Ramiz Hamović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrenе bb